

工部廠庫須知

巡視陝庫工科給事中臣何士晉  
題爲

情量爲請列懇乞

聖明勅行酌議以濟燃眉以安根本事臣惟今  
天下所在無樂土而最苦者尤莫如

京師所在皆窮民而最困者尤莫如

京師之民夫

京師拱護

宸極緩急攸資京師守衛

至尊休戚與其此置門庭之外可以並論而斯  
民幸依

輦轂以托生實奇

大君以爲命必且

日月之照獨先

雨露之施獨渥詎意有若今之鋪商業就死地  
而不加恤者臣待罪工垣新叨廠庫僉報  
屬期職掌所係敢不以目前至迫至苦之  
狀爲

必不得之數也商人千苦萬苦苦于內監  
之苛求臣等千難萬難難于

皇上之盡免是僉報一說雖欲不暫停又不可  
得也無已其講于調劑之法乎臣以爲鋪  
墊當議也鋪墊陋規原係中涓私索豈容  
額派若干但一項有一項之舊例一年有  
一年之新增惟請奉

嚴旨令該部革其新增還其舊例大約以所領  
之錢糧先儘辦所需之物料剩有贏餘卽

爲整費則公私兩盡而畫一可遵如有私  
弊是圖盡奪其關領之價者聽臣等白簡  
糾叅望

陛下必罪不宥是所謂隄其濫而調劑之者臣  
又以爲貼役當議也新商旣不可報舊商  
念不能支法窮必變莫若以買辦之役聽  
該部自行召募擇勤慎慣練者十數人分  
撥四司應用然此十數人者止取其習熟  
原非以買之鋪商雖領有錢糧豈無各項

之賠費又不可不爲之設處似宜略備  
審舖行規則凡

京城舖面不論南北照本出銀名爲貼役如  
恐小民不堪重累則請于下等浮舖量行  
豁免其上等中等舖面分爲六則納銀有  
差則重累可蠲也如恐追呼或至驚擾則  
請行五城御史嚴飭兵馬不許差人第每  
坊分爲數段每段就開舖正身中擇其忠  
實能幹者二人爲一正一副領官簿一扇

公同議妥開填數目若有徇私隱捏等弊  
正副連坐則驚擾可禁也如恐內監借爲  
口實願欲愈奢則請將此銀貯之順天府  
庫示與墊費無干凡買辦諸役內有差苦  
力竭者聽該部斟酌支貼不得一槩混幫  
年終仍聽巡視衙門查覈儻有剩存下年  
可以接濟且緩再征至用盡始行前法使  
各舖樂其輕而中消絕其望則口實可杜  
也是所謂寬其力而調劑之者臣又以爲

交納當議也年來內監酷勒商役每在交  
納錢糧之一關而交納之最苦者尤莫如  
惜薪司柴炭之一項使鋪墊十分滿意雖  
物料差池俱一槩收受使需索毫不稱心  
卽錢糧完備亦百計刁難故有殘肢體繫  
妻孥凌青襟殺世職諸不法事屢見彈章  
足爲實証自今請于交納時該司移會該  
監將應納錢糧貯之公所官與面交如期  
而辦如約面會如數而納其議定鋪墊亦

用印封總交本監任其領回自行分給藉  
有借名抑勒希圖苛索者徑聽該部叅處  
前所召募諸人名爲雇役身非舖商賞罰  
去留俱統之該部尤不許內監擅提擅比  
是所謂恤其苦而調劑之者臣又以爲改  
折當議也凡年例

題辦錢糧內有急需本色者該部自應召買  
無庸置喙然亦有各監自用不必本色者  
又有可以通融移用不必急辦者併責之

于該部甚難而分任之于各監甚易故令  
卽不敢謂某項可省某項宜折但有內監  
願領部價照數自辦者或不妨折價與之  
自後

上供物料問之該監必無使侵漁買辦價值問  
之該部必無使欠缺則原額不改何悞于  
公需墊費可省實便于部役若各衙門小脩  
小差等項旣乏商人承值亦宜照估折銀  
聽其委官自行脩辦是所謂分其責而調

劑之者臣又以爲會有當議也查工部四  
司條例比

內庫有見存卽移會取用必

內庫無見貯始召商買辦開載甚明近緣該  
監鋪鑿欲多雖例稱會有者亦概捏會無  
及商人買求旣足則向報會無者又條稱  
會有如近日鉛商一事尤爲可異自今宜  
申明

不論

內庫外庫所有物料先儘支用不許該監  
有爲無致滋需索其果係書無者方行該  
部給價買辦或京中買辦不足查照初年  
外解事例移文該省督解本色但令解役  
投部驗收一毫不涉內監似亦可行是所  
謂覈其冒而調劑之者臣又以爲預支當  
議也邇來工作繁興支領分集外解之

題留旣夥事例之援納漸稀庫藏甚虛預支罔  
措以致商人望門投券無米督催併命填

滿傷心酸鼻且向係舖商責無可諉今改  
爲募彼力益難堪可復如前之措給平宜  
令工部四司移會各工分署立籍互查必  
酌所需之緩急定所支之多寡不得一槩  
混請使庫中無憑稽覈則出入之間或可  
節約以爲預支之地卽預支不能一時盡  
給而先其所急彼承辦者亦自樂于趨赴  
矣是所謂綜其要而調劑之者臣又以爲  
冗濫當議也先年內監提督不過數人

司房書役及工部四司各工書役俱有定額故糴食者少而商困可蘇邇來內外衙門多方營進人數愈多頂首愈重聞有一役而四五千金不止者此輩捐重貲而入安所取償勢不得不狐假鴟張恣行剝削或索分墊費或抑勒對同或延捺實收或試求打躬巧倩名色慣弄神通內監固惟其撥置部臣且付之誰何彼商人種種害誰非此輩之爲也請自今

陛下嚴勅各監查照舊額凡冗員冗役悉行汰  
革而該部諸司尤宜自行清理則窟穴漸  
滅吞噬漸輕如前所稱積弊內外諸臣逐  
一留心禁止不惟募役可久抑且新商可  
愈是所謂滌其源而調劑之者蓋臣見京  
民一聞僉報如牛羊鷄犬盡赴屠垣其齧  
觶之狀悲鳴之聲直欲使怨氣成虹

天光盡黯故連日與部司諸臣悉心籌畫萬不  
得已酌爲此議然此皆前巡視諸臣所已

言實係通國人情所樂就在該部商請此  
以紓眉睫之憂在各監亦從此得享安全  
之利竊謂今日所便無如此者至于戶兵  
二部諸商倘可通行并宜優恤然總之則  
仰微

皇上之乾斷耳

皇上勿謂商役細事無關

根本京民易制可憑魚肉也方今災異頻仍  
羽書狎至臣不敢一一掇拾以塵

天聽第思交夷鳳孽猶云遠在藩籬而遼左薊  
門之形情業已迫我肘腋設一旦封豕長  
蛇合從而至所與

陛下共守此空城者非卽今所嘗魚肉之京民  
乎天鳴地震猶可托言儆戒而東南數省  
之水災業已絕我糧餉設一旦揭竿斬木  
嘯聚而起所與

陛下共當此枵腹者又非今所嘗魚肉之京民  
乎夫至呼吸緩急之時安危休戚之際而

後知京民之足重也亦已晚矣臣言  
心膽俱裂豈

聖明在上而獨不深長慮哉伏乞

皇上俯垂省覽亟將臣疏及先後諸臣條議凡  
有關於國政者一併

勅下部院會議務求長便覆請

明旨施行京民幸甚

宗社幸甚臣愚易勝激切祈懇待

命之至

廠庫須知

卷二

十一

萬曆三十六年十月二十二日

此疏隨

該工部照欵

題覆

工部署部等右侍郎臣劉元霖等謹

題爲商因剝膚已極都民重足堪憐謹採輿  
情量爲調劑懇乞

聖明勅行酌議以濟燃眉以安根本事營繕清  
吏等司案呈奉本部送工科給事中何士  
晉揭帖前事臣等議照得

國家營造專隸將作而一切物料本色皆取  
自外省以其採辦易而額有成規

上供不悞而民亦不擾也後因外解有遠涉之

難積猶有攬納之弊始令各輸折色本部  
召商陸續買辦以應

上供是舖商之名所由起也比時錢糧止有正  
供額外並無舖墊舖商易於辦納監司便  
於驗收工作無悞舖商無苦今則舖墊之  
費過於正供承辦之苦甚如湯火一聞僉  
報百姓鹿駭削髮投河千計管免此科臣  
目擊其狀而有此救時調劑之論也臣等  
竊謂

國家經費承辦不可以無商而舖商既爲公家承辦物料止當上納正供錢糧迺舖墊之費果從何始蓋由內監職司驗收舖墊一入則驗收從寬舖墊若無則多方勒指咀膏吮血不盡不止良可駭異合無如科臣所議以後所領錢糧先儘辦所需物料剩有贏餘方爲墊費則正額既無虧墊費亦不缺弊源既清濫流自塞矣至于貼役之議尤爲經久之圖蓋四司買辦既不可

無商而纔聞僉報內外騷動根本重地安  
可屢搖惟召募勤慎慣練者數人派之四  
司而另照舖行規則將京城內外一應舖  
面無分南北照本銀之多寡爲幫貼之等  
則本小浮舖盡行豁免其餘則請行五城  
御史覈定每坊分定段數擇其開舖正身  
忠實者二人爲一正一副領官簿一扇公  
同議妥開填數目不惟驚擾可禁而人心  
自爾帖服矣且以所貼之銀貯之順天府

庫諸舖商有虧苦者酌量幫貼赴巡視  
庫科道掛號支給不得一槩混幫仍聽巡  
視衙門年終查覈餘剩者仍存下年接濟  
則墊費之望可絕而內監之口實可杜矣  
若夫交納之苦尤莫如惜薪司柴炭之役  
內使提督者紛集舖商一入逼勒百種真  
有如科臣所議者合無以交納分司會同  
該監將應納錢糧公同驗收所有舖墊亦  
用印封總交本監自行分給舖商既係召

募不許內監擅提擅比則抑勒苛索之弊  
可免矣其年例題派錢糧內有急需本色  
固無容議折間有內監可以通融自辦者  
合准折價無徒苦累商人乃各衙門小修  
小差等項本部業已乏商承辦每每照估  
折銀聽其委役自行修辦合當著爲定例  
永相遵守若四司條例會有取用會無召  
商買辦此定例也然亦有先會有而及至  
取用而復會無間或取用則以朽腐滯爛

不堪者抵塞以後當移會之時務宜加意  
查驗原收若干支用若干見存若干不論  
內庫外庫所有物料先儘支用不許該監  
以有爲無其果會無方行給價召買并移  
文外省督解本色則冒濫自杜而侵欺可  
免矣工作煩興全藉預支以接濟而庫藏  
匱乏奚容出入之多奸臣等給發錢糧  
照成規皆由各工呈請奉部堂批允酌  
需之緩急定所支之多寡方行該庫支款

及其扣銷必據見工之實收憑科道之對  
同始行銷扣法已詳慎在奉行司官實心  
振刷無爲謾文此科臣灼有定議所宜嚴  
行申飭者也其冗員冗役撥置廢削莫可  
誰何商匠步得不困業經本部批行各司  
并各工差官裁革冗員冗役以節糜費正  
六者實舉行其在內監尤望

嚴爲查汰以清弊源者也既經科臣論列前因  
相應亟爲具題等因奉呈到部爲此欽此

之派固爲物料承辦之無人舖商之困  
由監局墊費之需索此科臣調劑之論司  
官會議之辭均之念切時艱無非爲

國爲民也蓋京師之民擁護

宸居充宜首加優恤乃今一報舖商如赴鼎鑊  
少有家貲便思遠竄此豈本固邦寧之道  
哉前科臣王元翰道臣劉光復已備疏舖  
商之苦臣部亦連疏僉報之艱矣然工作  
苦于浩繁供應急如星火物料不繼承辦

誰肩不得已而僉報舖商惟異

上供無悞而已詎期正供有限墊費無窮剝肉

補瘡聲產亡身柰之何不迹且免哉今科

臣欲裁墊費者清弊源也議貼役者免虧

累也設正副以免驚擾貯府庫以杜口實

交納公則惜薪柴炭之役可甦年例折則

小修等項之差不擾會有者內庫外庫照

數支用則錢糧不致冒濫預支者四司各

工立籍互查則錢糧何由混請至如員

冒濫一節尤爲糜費作奸之數已經臣部  
嚴行四司各工將應有胥役夫匠人等逐  
一查革以杜弊竇今科臣所議及此正臣  
所日夕兢兢搜剔者恤商安民意慮深遠  
旣經科臣揭議各司會呈臣部酌議上

請伏候

命下臣部將承辦見役舖商查照科臣原議事  
理一體欽遵優恤施行

萬曆四十三年正月初六日

巡視廠庫工科給事中臣何士晉謹

題爲

奏繳已竣敬陳廠庫事宜以裨節省事臣待  
罪工垣接管廠庫一切弊源蠹孔該前巡  
視科臣洞火列眉條議上

請更何容復贅惟是將作繁興物力滋匱法無  
定守人有倖心廠庫之事非親歷則不知  
其難胥役之奸愈隄防則轉覺其甚臣今  
督造各項文冊循例

奏繆業已報竣而辭差矣可無一言之

獻爲

陛下節省之助乎蓋臣受事三月悉心諮訪殫

力稽查如商匠濶于兌支近該戶部奉有

明旨隨卽照例停革解納利于掛欠皆緣庫役

藉爲通融隨經出示禁止起放必先覆兌

則短少之弊難容支存另置餘銀則混冒

之端自絕查事例應吊該部原咨嚴比較

新置各工文簿此皆臣與監督司官可循

職自効不必環資

宸嚴者第思庫中宜有畫一之規而殿內甚多  
無益之費非奉

聖裁恐難遵守臣謹採輿議爲

陛下直陳之其一領狀當酌夫領有預支有實  
收有担銷有找給一經掛號卽投該庫似  
無非當發者但實收已經對同而預支每  
無限量物料猶有題數而夫匠任憑混開  
一領動輒萬千一人動持數領該庫墮莫

能支紛無以應勢不得不填委生塵而應  
支者反爲不應支者所壓則涇渭不分應  
支而拙者又爲不應支而巧者所奪則苦  
樂倒置甚有庫無見給將此印領抵當于  
富豪于貴戚減十得五而五之數專歸夫  
匠之頭從五加息而十之數且盡歸勢要  
之宅究竟本工不得知該司不及察而衆  
夫衆匠仍無接濟則本工之呈請繼至而  
該司之印領又空矣此今日之一大滯也

也。下。司。事。之。由。領。委。積。請。討。然。而。文。移。案。牘。中。止。有。給。發。而。無。完。銷。故。

凡。有。可。疑。嚴。爲。查。駁。不。敢。輕。准。掛。號。卽。四。

司。每。于。下。庫。之。期。會。單。催。請。臣。必。就。單。中。

覆。覈。明。確。方。准。給。放。總。爲。同。舟。敢。踏。勞。然。

然。此。領。狀。之。多。在。該。部。司。屬。中。因。有。痛。言。

其。爲。弊。竇。者。非。臣。一。人。之。臆。見。也。合。無。自。

今。爲。始。將。從。前。未。完。領。狀。通。行。一。查。應。補。

給。者。補。給。應。停。扣。者。停。扣。應。註。銷。者。註。銷。

各司器具一冊送巡視備查以清積弊以  
杜影射嗣後商匠夫役呈請錢糧必本工  
查其前次所領完過若干今應再給若干  
備送該司勒限回報如完不及數該司卽  
宜駁還其及數者覈實說堂酌數給領領  
狀與手本內務將完過工料詳開總數不  
必花名各用印記鈐蓋送臣等衙門掛號  
號簿內卽照數登記存爲成案下庫日必  
盡數支放無至遲留盡冒領者旣絕則應

領者自簡然後一宗可完一宗一號可清  
一號目前之給發既有的據而可無混出  
之虞他日之對同且有細撒而可作實收  
之驗此不過一紙之內稍寬尺幅稍增數  
行而處處可以照會人人咸知警懼凡所  
稱日報月報循環等冊寧有簡便真確于  
此者乎彼狡猾之徒雖欲鑽營請託妄覬  
冒支安能捏未完爲已完而該司與本工  
責有專屬又安得不秉公查覈也故酌領

狀而嚴其冒乃節省之二助也其一關防  
當慎該庫錢糧雖不及戶部太倉然每歲  
出入總計一百五十餘萬所關

大工河防軍器年例等項亦至鉅也奈何不做  
太倉規制而漫令庫官敲兌司吏看銀諸  
胥隨役雜沓其中解戶攬頭通同爲政或  
入而包納則輕重之間無不得心應手或  
出而扣除則商匠之苦甚于剜肉醫瘡巨  
非不當堂嚴諭而說者謂臣等監察有時

此輩窟穴無盡若一秤無使費一次不  
足則後來言計刁難荼毒彌甚故不得不  
就其因食吞聲飲恨而卒不敢言且據臣  
所日擊虛稅百金開匣化爲烏有例銀一  
錠轉眼便作飛塵攫取每見公行追補視  
如兒戲甚至寄小庫以尅已發之銀指羨  
餘而盜正支之數此輩視節慎一庫盡若  
私藏而安得相沿不問也合無自今以後  
畧照太倉銀庫事例固扃列柵重關嚴限

看銀擇一匠役酌兌擇一庫役寢食在內  
每季一更庫官庫吏弟令司啓閉之常登  
出入之數務須隔遠不許沾手其餘丁供  
事者兌畢必搜檢而出若銀有低假有短  
少許諸人卽時稟將匠役庫役盡法叅  
送如此不惟竊取無從抑亦剋尅可免而  
種種弊蠹不蕩然更始乎故慎關防以絕  
其實亦節省之一助也其一條適當議厯  
王二厥額設軍匠一千四百四十二名戶

曹月給米一石工曹人扣銀五錢統以匠頭督以年例立法之初未嘗不善自以民冒軍而小匠爲虛籍自得三除五而匠頭皆竄夫脩造盡是空名戎器毫無實用前巡視議裁其米以還太倉切中膏肓誠爲遠慮乃該部猶執年例之成規以湊月糧之舊額此所謂捐有用以就無用甚可惜也且臣查每歲脩戊字庫盛甲三萬副腰刀三萬把預造盛甲二千五百副所費不

下二萬四五千金而各省直所造解堆積  
庫中至不可勝數詎不稱有備無患然而  
布襯稀踈鐵葉易綉脩者與解者並屬不  
堪解者積之逾年而復脩脩者積之逾年  
而改造總歸無用則奈何以塵飯塗羹之  
具糜

國家百千萬億之金錢也設一旦有意外之  
虞勢不得不更造以應是今之脩造不徒  
糜費兼類銷兵臣竊危之推原其故則皆

小匠之爲害身合無自今以後兩廠止存  
匠頭八十名以供造辦軍伴等項三百九  
十五名以供雜差而其餘小匠九百六十  
七名盡行汰革以此裁剩之米還歸太倉  
固可佐軍儲卽勻派匠頭亦可充工食各  
色戎衣戎械查照先年堅利式樣責成匠  
頭加工精造倘有不敷不妨庫覓仍以此  
式頒行省直令一體造解領解者卽用督  
造者有不如式從重究擬其每歲外解之

敷與內造之數通融會算的議若干足以  
備用而止又須定以年限無得歲歲混脩  
以滋冒破卽如明盛明甲乃儀衛中之不  
可缺者臣昨詳加估計使該管善于收藏  
實無事歲脩惟歲脩額定而匠役與將領  
反通同爲市脩者利其不堅收者利其速  
壞內監又從中利其鋪墊此兩廠所以無  
寧期而錢糧所以成沃釜也至于歲脩歲  
辦有必不可免者亦宜專官監督信賞必

罰庶免虛冒故言作造而求其實亦節  
之一助也其一弓箭當折語云器械不利  
以卒予敵我

國家狃安弛武凡外解捍敵之具盡失其初  
而弓箭一項尤爲塞責今查戊字庫所貯  
弓不下數十萬箭不下數百萬亦旣稱多  
矣乃當外解驗收之時固已剝羽脫金裂  
弦反角藏之浹歲使京軍關領而出彼止  
換錢數十文于敵愾毫無當也近該工部

議行省直刻官匠姓名于上似乎振刷然  
解官越數千里解至卽不合式動云間關  
苦楚驗廳之駁回者能幾卽驗廳盡欲駁  
回而解官且多方囑托恐終掣肘難行勢  
必因循如舊合無自今以後行令各省直  
將弓箭弦條折色解部遇兌換之年徑以  
價給軍俾擇其精者買用實爲兩便如欲  
多備卽着兩廠匠頭每年量造若干巡視  
衙門驗果如式然後送該庫收貯則旣不

廢其成規亦不失其鋪墊京軍得有實用  
解官可免貽累計莫善于此者故折弓劍  
而更其制亦節省之一助也抑臣充有說  
焉

京師之困莫甚于鋪商臣前有七議方諱諄  
為諸商請

而預支一節今復欲該庫加嚴者何也蓋以  
該庫錢糧止有此數惟洩之旁費者多則  
留為正項者少如惜薪司及見工商匠實

稱艱苦皆所宜寬恤者也其中有神奸積  
棍慣造黃江希圖冒騙皆所宜嚴覈者也  
臣謬叨巡視發奸釐弊乃其職掌故明知  
城社難薰谿壑無厭而掛號查單不少假  
借者誠欲塞旁竇以留正項留正項以恤  
疲商臣之此疏正以補前疏所未足也且  
今何時哉前門烽火喧傳司農庚癸罔恤  
臣之言以不幸而將驗夫旣驗于前門恐  
不能不驗于

華毅

輦轂之下所恃何人第有此積困之京民而奈  
何復以商役累之也臣前疏久經部覆倘  
蒙

採擇京民咸得更生卽不然內有節仗一議先  
聽該部題

知甦放舊商另行召募則大寒之後忽被陽春  
所關

國家根本非渺小矣伏乞

皇上留神省覽同臣

奏繳諸疏

勅下該部如果片言有裨節省再行酌議上  
請并將商稅一事統

賜施行永為遵守厥庫幸甚節民幸甚

萬曆三十六年十二月二十四日 此疏

該工部照欵

題覆

工部署部事右侍郎臣劉元震謹

題爲舊例相沿釐革宜盡徵酌諸臣條議在  
候

明旨申飭以振積玩以永法守事臣惟

國家無百年不敝之法要在因時而振刷之  
但振刷於初敝之日一布章程自無衡越  
振刷於極敝

奉

明旨未易以盡革積習而頓成清肅也臣署部  
兩年適當舖商重困兼之各工煩併帑裁

已窮以

之工待用數十萬金而十萬餉邊八萬修城十餘萬爲

婚禮內供借發至於今幾欲炊而無米每一念及真有食不下咽而寢不貼席者節縮整飭之奈何日不共各屬議之哉而諸司各差或以各例因循或以事勢掣肘總之昔年所議之委前遂致今日相習之膠固而釐革未盡殊切衷慚且之責也非諸臣

之罪也。原幸臺省諸臣條上芳規，雖其所  
言者亦不遠於臣之所已舉。顧當此時窮  
則變物極宜反之。秋仰祈

聖明鑿允痛革夙弊，一振新規。非水衡所厚賴  
者哉。臣方以抱疴求去，不能別爲知計。以  
禪部務而目前諸事緊急，又坐視而勢有  
不能者，謹取諸臣之條議，詳加酌請而

自一垂聽焉。夫今之所最苦者，不曰僉商乎商  
之困也。自鋪墊始，夫鋪墊非法也。是各

漁嚼之私意也卽使嚴禁杜絕猶恐其越  
法而思逞乃查部規則供應繕脩俱分內  
外工食物價多寡自殊夫外寡而內多本  
恤商人輸納之苦因多而過索遂開內監  
貪求之路迄於今相沿以鋪墊爲應得而  
過索舖商恬無忌憚臣曾屢疏請裁而  
聖聽彌高人非迷罔孰肯自赴于湯火恐召募  
亦無應者矣根本重地旣不宜騷動而  
上供奉辦又時不可缺止餘一二疲商爲

皇上効勞而復忍令由宮吮盡其膏血哉則巡

視諸臣所言裁革墊費及清內外員役固  
釐革之大端最宜首及者也今之所厭煩  
者不曰預支乎預支之多也二十餘年已  
然夫每月磨筭工程以實收給發法至良  
也乃查條例則預支額數強半先給而上  
完實收僅十之二三夫作法於儉猶恐其  
奢而前後多寡乃爾宜人心之無所不至  
也迄于今相沿以預支爲應得而扣銷者

未必得結絕... 未必得對同臣向令  
各差俱復舊規近又題

請月終實收年終會查不得濫請第先年給發  
已多一朝完局未易蓋其所由來者漸矣  
而尚未盡耳則巡視諸臣所言今後斟酌  
額狀及預支完至八分方許呈請固釐畫  
之最要極中肯綮者也今之可痛疾者則  
有委官書辦查京庫各官與本部屬官之  
得兼委也書辦飯錢之取給於工匠也

以承訛遂視若成規而不爲心迄於今相沿以常例爲應得聞或倚恃與援至今監督不敢問矣谿壑填於下謗篋貽之官向不過爲胥役計耳而豈意弊至于乎臣曾立簿揆差限年革出法頗稱詳而各差力行可期漸肅今巡視諸臣復經題叅尤覺風清今後每差視事頗簡大加裁革限定員名而間有索取商匠者叅問懲處不少實貸役虛之清方有日也今之所駭聞者

則有庫藏之弊查該庫收放之必同科道也該庫封開之必候科道也規豈不善而法玩於日久奸生於務寬迄於今庫官書胥相沿以索取爲應得乘機盜若卽當巡視前而獎給生焉玩慢極矣且鉛鐵不關科道或者初意以事所不宜相煩而終亦非法臣會諭置堂簿一扇將應放銀兩查堂批勿使庫役作獎法頗無謬而各官相視不能行今巡視諸臣已經題察恐覺

觀而今後收放之日量留執役屏絕多  
又下庫蚤至不令過晚侵匿一應物料但  
係貯庫者聽巡視收放庫蠹之清方有日  
也然此皆爲合部之通弊論也至於商之  
最苦最難最不肯承認者惟惜薪司柴炭  
一節此役旣無委官書辦之侵漁又有額  
定預支之當給前司後庫極意矜憐止因  
各監索措多端積成慘酷一聞坐派股票  
贍寒故僉報各商有力者寧鑽托竟徼

中旨優免其不能者則有削髮投河東逃西竄以布旦夕之命耳此愈報之次難行也夫愈報既難而召募可責其必來乎

內供烟爨勢不可缺邇且補苴目前將一二舊商匠夫頭車戶等役給銀權令代辦委曲勸認惟恐其不從赤體寔夫又虞其花費展轉焦勞萬分無奈而繼此則又乏人矣臣與司官議復倣科臣尋異之說量於原價外酌爲增益此項卽從臣部自行

處卽當帑藏匱乏勉圖支撐無貽

輦轂小民之擾仍議移文該監務要仰承

聖意痛洗前愆倍加優恤庶人知止用其力不  
費其財不傷其命誰無徃役之義寧乏子  
來之誠行令宛大二縣出示招徠必有起  
而應者矣然非特奉

聖旨則此法不信或虐使仍前彼啗啗之民裹  
足而去望風而止耳臣部千方百計總歸  
無商此時計無復之惟有每季措處應辦

價銀具疏奏

知司官親賫赴監聽其或收與否以明不誤  
上供之需或蒙

聖慈原鑒萬一因之獲譴臣等原為

呈上保此子遺不忍驅之糜爛之地其心可白  
其罪甘之也嗟嗟冬曹劇任時事紛拏原  
非一人所能專理提綱挈領臣得為政稽  
詳慎出諸司得為政發奸摘笑實賴巡視  
衙門臣已愧不能盡釐而巡視條議其所

爲防奸革弊者

皇上又槩置之若罔聞焉何以振玩愒而儆人心也除條議中可徑行者臣一面剴付各屬照行外伏乞

勅下臣部通行各司屬遵照不得覆以相沿舊例爲辭及時一一釐正并發先後諸臣條議章疏一併着實脩舉勿徒爲紙上空談庶時艱可濟而於

國計裨益匪淺鮮矣

萬曆三十七年三月

日

原缺

工科給事中臣馬從龍等謹

題爲看詳章奏事據工部揭帖爲部帑匱乏  
清查積弊以昭成憲以濟急需事糾發湖  
廣解官布政司都事鄭士毓解管該省料  
銀四千四百六十兩却改作本色希圖以  
濫惡塘塞進內明分羨餘又據丁字庫太  
監曹雍等一本爲本折自有成例部司偶  
欲紛更乞

勅該部照舊辦送以濟

大工

大典事奉

聖旨該省所解本色錢糧自有成規部司如何  
意欲擅自紛更着照舊辦送該庫供用毋得  
紊亂工部知道臣等隨查

聖旨該湖廣布政司麻鐵等料應解丁字庫者  
于萬曆三年題改折色銀一萬三千六百  
三十一兩零閩加八百三十四兩零近年  
混解本色原係奸弊迭嘗改正豈可遂據

以爲例乎若止承訛襲舛鄭士毓之罪  
有可原乃愆愆內監輒行瀆奏久假不歸  
反斥部司爲欺給該部叅一小吏乃猖狂  
如此惡用三尺爲哉內監指布政司批文  
一折字爲証不知巡撫咨文內開載本折  
極明洞若觀火矣除鄭士毓聽該部咨行  
撫按提問要見奸弊根由起自何時承行  
吏書有無扶捏因何紛更紊亂從重究治  
外目下仍解折色丁節慎庫交收確守

會典成規庶與

明旨符合臣等因慨於解官之弊不止此也凡各省領解錢糧到京卽有一種積棍通同衙門吏書慣窩騙誘之爲邪解官廉慎者有幾鮮不與之同汗甚至一解有短少銀三四百兩者語之則曰原發短少何敢與上官爭言涕泣哀訴因而倖免者多矣此輩指稱使費治裝甚厚及并正項攘竊之且既不難誣其上官則其回本省必曰某

庫某官收壓太重賠累難堪是兩處污入名節矣若係內監衙門更不可言以其值餌中人餘皆羣蟻附羶而盡耳及有急需又行召買幣藏安得不告匱乎臣等

請通行各省直凡解京錢糧係折色者銀成大錠依

欽頒法馬錠五十兩務要足色足數不許中錠零搭滴珠長邊印封兩重用物料護不許擦損仍給鞞單二本一投部一投庫該庫

驗係原物與速收勿多重分毫如印封有損或不如原式卽行查究盡法懲治勿得聽其請托僥倖煦儒小惠致虧公帑若

內庫應解本色者凡可封緘之物俱令彼處有司印信封記畧如解銀法驗試廳留心查核其私自折銀入京打點朋分者叅送法司重究庶小民膏脂不耗於若輩之手而內府亦克矣然解官不有真正賠累者乎臣等知其故矣其人廉謹不肯扶同則

內監惡之羣小惡之百計魚肉使守法者  
無所容則自不得不折而入于彼之籠絡  
中矣此在經管衙門明察而護持之耳臣  
等敢并及之以爲釐弊節財之助奉

聖旨

萬曆四十年四月初四日

巡視廠庫工科等衙門給事中等官臣何士晉等謹

題爲欽遵

明旨畧摘廠庫弊端并陳釐剔責成之要以仰  
碑

國計事該前巡視科臣摘發庫弊奉

旨處分各官內云本部工程浩大近來經管員  
役欺冒多端殊非法紀以後着巡視等官  
不時稽察叅處務清奸蠹該部知道欽此

臣等先後接差業已謬叨巡視仰惟

明旨燭欺冒之多端責巡視之稽察且令不時  
叅處以清奸蠹其嚴于

國計何如者臣等敢不夙夜凜凜勉圖報塞  
惟是水衡諸弊千頭萬緒未易更僕而就  
其中欺冒之最甚者無如預支一事臣等  
請先摘預支之弊而後及他蠹可乎竊照  
該部一切工料勢不能不取辦于商匠諸  
役而商匠諸役欲圖接濟勢不能不取給

十領支其預支也有原題有年例有傳

有預估有小修其各工有日報有月報有

循環其會計有對同有實收有扣銷有

給法非不密而無柰濫請者之因緣于

牘也又無柰濫給者之密移于左右也

憤者疎者不能察而猶鼠同眠簞簞不

者且滋其蔓也遠不具論卽萬曆三十年

至今營繕司冒領預支銀一十四萬二千

四百九十兩有奇虞衡司冒領預支銀八

萬六千六百兩有奇都水司月領預支銀  
一十一萬二千九百七十兩有奇屯田司  
月領預支銀五萬一千一百八十兩有奇  
合之則三十九萬三千二百四十六兩有奇  
也夫此數十萬金錢誰匪民膏誰匪

公帑而竟屑越于諸奸之谿壑彼當年之請  
者給者其憤耶疎耶而不能察耶抑猫鼠  
之難問而簠簋之可疑耶數者有一焉皆  
官箴所不載也臣等不能爲之解也按月

而比半屬逃亡半屬市丐累歲而追逮者  
自逮領者復領殊可浩嘆今若不設法以  
清已往以杜將來竊恐預支二字便是水  
衡之尾閘該庫之漏卮而後且莫知所底  
也臣等悉心籌畫欲清已往宜令工部四  
司先將拖欠各役逐名查審畧力尚能完  
不妨留用或人亡產盡姑與註銷其餘則  
有截追之法彼方藉口于給新完舊孰知  
其借舊以騙新彼又幾俸于那乙補甲孰

知其煤甲以圖乙故截住行追毋容再領  
一法也又有扣抵之法此有完而彼有負  
數或相當完宜找而負宜償例應移會故  
扣明准抵毋容互推一法也又有帶銷之  
法夫夫匠未有能盡革者也今日革而興  
工必且復用明日用而工食即可帶除給  
八銷二則人情不苦亦一法也又有帶比  
之法夫吏胥未有不通同者也新役或  
量免積猾必究烹分一體比追則前件

繕亦一法也凡此皆所以清已往也欲

將來其法更有詳者夫歷年未支之領

前官停給之實收司庫中不無充棟葛藤

纏擾因開城社之倖門歲月滋深借作翻

身之蹊徑種種弊端悉由于此宜令工部

四司備查四十二年以前領狀實收共若

干內有原未領亦有領未全者內有未找

給亦有半找給者俱截日停止通行覆覈

銷其舊領驗其實收真則易新領而補支

廣則據法律而恭送移會巡視衙門分別  
揭示以絕諸奸覬覦夤緣之念是之謂清  
其源該部所遵行者

會典耳條例耳水部備考耳邇來刑餘爲政  
鋪墊日增在內監每越例而求動能取

旨在外廷實引經而諍反至

留中于是 絲綸與

功令不符新例與舊章互異從違莫決爭執

使司等巡視傳舍不常胥役每乘

而去籍往牘靡攄臨期多閣筆而躊躕不  
有刊規誰爲永鑒宜令工部四司將條例  
諸書查照今昔事宜逐款校讐酌議增減  
某項應遵

祖制某項應奉

新綸悉行改正題請

聖裁永爲畫一章程庶免紛紜柎鑿臣等亦擬  
摘其大凡并先後諸臣條議凡有裨于節  
省者彙刻廠庫須知一冊新舊交代執以

相傳則預支之緩急多寡一覽洞悉卽神  
奸能復影射乎是之謂定其制徃歲該部  
題議月終實收年終會查法最簡便奉有

欽依乃今多憚而中止臣等更議一領狀新式  
以要前法之必行凡領狀後接粘一紙備  
開某項工料原額若干已領若干今請若  
干其今領之數必完及八分方許再領而  
八分完數以其總填入領內以其撤載入  
循環俟下次領到查其總撤分數合則掛

給不合則駁回其前領二分未完仍于  
領內帶銷由是領千必銷千領萬必銷萬  
捐一時磨對之勞省日後無窮之弊何至  
經年累月一對同之難出乎至于會查一  
法不但各工宜與四司會四司宜與該庫  
會也如

大工十庫各巡視衙門凡與廠庫錢糧有干涉  
者四司并宜移會互查明白方許

奏繳其會查底冊及一應繫關文簿應比照

各部例造一冊庫另題司官一員專管稽覈以防竊換洗補諸弊斯該部最喫緊事也卽廠庫文移填委總係錢糧關防宜慎亦不可不令該部酌議一封識之所是之謂扼其要徃例歲終

奏繳另有查叅拖欠一疏然止及商匠而不  
及官吏輒未幾而弁髦之何也官無專責  
法不必行卽日日查叅無益也自今宜著  
爲令如非常營建題定一官爲終始者功

遇俱當另議錢糧自有責成無庸置喙  
餘四司監督業以一官營一職凡任內  
給銀兩必本官盡數完銷部司覆查無異  
移會巡視方許與接管交代如果拖欠數

多冒支有據每歲終容臣等比照考成事  
例移會該部將本官及經承吏書酌入查  
叅疏內其欠役與經承卽聽本官自比若  
能依限追完仍不碍其考滿陞遷之格惟  
內有事變突臨勢難終局者宜將已未完

繳行備造對同五本一留本官一送接管

一送部司一送巡視一送工垣查無別弊

聽其離任至于拮据勤勞更自風清弊絕

諸司內儘不乏人該部堂官廉訪的確宜

咨銓部破格優擢以示風勵使人知嚴罰

在前異數在後誰不悚然加緊乎是之謂

重其責凡此皆所以杜將來也蓋預支清

而廠庫之弊思過半矣然臣等又以爲餘

銀之弊多端不可不革也該庫歲報差餘

不過千金有零而貼解冬衣布花及該  
堂司公費工食等項約用三千餘兩皆

足于餘銀而不知餘銀實未嘗有也吏胥  
借報羨之名每重入而輕出筦庫因堂司  
之取或假公以濟私于是乎害中于下衆  
口之所不平者或一兌而差數兩或一兌  
而差數十兩則何以抗顏于上矣害中于  
上前官之所交盤者或一匣而少數十兩  
或一匣而少數百兩則又何以有辭于下

矣上與下俱受餘銀之害而獨諸胥飽餘  
銀之利

皇上亦何愛于千金而開此無窮弊竇哉况餘  
銀一革則出入皆原封敲兌無高下與情  
盡匱百蠹俱清

皇上名雖歲少千金而不知所得更倍于幾千  
金也如該部以貼解工食等銀必不可已  
臣等業有銀錢九一兼支之議矣查該部  
給錢舊例以五百五十文准銀一兩故夫

臣不願領錢以致庫中貫朽今或隨時之  
數大約六百文以外各役無不願者搭一  
分十十數之中以通錢法扣三文于一錢  
之內以抵餘銀四司一體通行積羨還歸  
公用明告之

君父而非私面質之商匠而不忤是在該部司  
一洗從前陋習耳臣等又以爲事例之弊  
多端不可不覈也

國家時詘舉廢權開援納已非政體而持籌

者復寬之以示招徠包攬者遂乘之以圖  
僥倖于是赴司出幣則那移項款視原題  
故作朦朧此庫納銀則鉛錫雜投致給放  
頻滋物議甚且有原納吏役而巧竊儒監  
之咨文甚且有銀不到庫而假冒吏工之  
印信彼其恃包攬而陰陽播弄至不可方  
物矣夫若輩操蹄望歲梯之爲榮進而寫  
之爲漁獵者也今猶強半價售

國家亦何利焉卽責之傾錠鑿名該司出幣

時先驗足而後移掛號亦不爲過倘放之

日查出低假徑提原納員役與看銀吏役

並坐以法庶幾酒然一變然非成錠非鐫

名胡由認也若每季工部曾咨過若干名

吏部准咨到若干名該庫上納過若干名

三處會查斷不可少而行移則工部該司

爲政矣近議戶七工三每歲戶開八月二

開四月此開彼停允宜爲例如欲兩部同

開總筭取此與彼頭緒混淆及多不便况

例款隨時增減兩部互有異同所當併一  
裁訂而申明者也臣等又以爲外解之弊  
多端不可不飭也

國家一應物料取自外解顧有折色有本色  
所從來矣折色納于節慎庫其弊有傾換  
有掛欠有倒批臣等任勞任怨所得而禁  
革者也本色納于內庫該監惟鋪墊是圖  
解官輒通同爲市于是有原解折色而故  
買濫惡抵充改納本色者有原解本色而

匿其精以自鬻易其僞以投庫者又有本折俱不入庫全與該監瓜分反稅出庫中之物以爲驗而徑取批收去者弊至此而極矣法至此而窮矣夫

祖宗之制雖本折兼用然必以會有會無之數定外解召買之規勿令缺乏亦勿令朽蠹其初豈不甚善何至今日而中涓把持明係會有捏稱會無明該折色強爭本色如近日解官張明經王德新等以折納本正

費查駁而內庫銀硃數萬斤爲該監王朝  
用盜賣且見告矣

皇上每深信若輩寄以筦鑰之司寧知其入係  
虛名出多旁竇出入俱不可問而內庫所  
存僅僅朽蠹之餘耳不亦重負

皇上而令人髮指哉今宜令該部移會巡視庫  
藏衙門將歷年解到物料分別管收除在  
的數各若干每季一查使會有會無不混  
撓于該監歲終一報使應折應本且額定

于題

知拔本塞源計無逾此第會無而解本色每多  
低假不堪又須該部明開欸樣移文各省  
直撫按衙門遴委廉能佐貳官督買物料  
必用印封進內督造軍器必刻官匠姓名  
其解官卽用承委官到京查驗有不如式  
者輕則追換重則

題叅庶責無可卸而外解皆有實濟倘外解  
一時難湊該部不妨量行召買總期上佐

公家之急下隄耗蠹之觴而已臣士晉昔叨  
是役曾竭管窺條陳二疏該部俱照款

題覆畧見施行而都民所最苦者莫如商役  
臣實以貼役調停首議裁革迄今且七年  
不報商矣都民稍獲生聚之安然未聞違  
悞

上供妨碍部事則商之永不  
必報甚明也  
如有通同內監妄言僉報者皆欲  
潤而動搖根本不忠干

陛下者也臣原疏具在請得而折之夫卽而論  
之可罷而知該部事未有不可爲者也此  
臣等所以復有今日之疏也今疏若行在  
共事諸賢固得以同心受相成之益卽奸  
胥猾吏亦必以戢志寬法網之誅迹雖不  
便所全固已多矣不則

嚴綸方厲殷鑒非遙臣等亦何敢博長厚之名  
而自溺其職乎伏乞

聖明俯賜省覽如果葑菲可采卽

下該部議覆施行未必非節省之一助  
回計之未也等曷勝惶悚激切待

之至

萬曆四十三年三月初六日

此疏隨

該工部照欵

題覆

工部署部事右侍郎王林如楚等謹

題爲欽遵

明旨畧摘厰庫弊端并陳釐剔責成之要以  
禪

國計事管繕清吏等司案呈奉本部送該巡  
視厰庫工科等衙門給事中等官川士晉  
等揭帖前事等因除具題外備揭到部送  
司該臣等看得水衡錢糧千頭萬緒其最  
要者始則預支之當嚴終則實收之當嚴

原有定規不容潤滑惟是日久弊生人情  
滋玩雖臣等任事以來極力稽查有犯必  
懲然與其窮治于事後毋寧禁戢于未然  
今該巡視科道條陳妥確彙括周詳所當  
亟爲舉行者但事關因革非奉

明旨申飭恐無以肅人心垂永久謹逐款詳議  
臚列如左一曰清預支之源巡視謂年來  
給發太濫以至拖欠數拾萬之多量其可  
完與否欲立截追扣抵帶銷帶比之

經臣等摘其奸猾之尤如劉輅洪仁

追究訖今應如所議逐一清查分別追扣

帶銷帶比定以一年之限務期限內通完

以銷前件仍令各司與該庫備查各役完

過錢糧或出實收未給領狀或給領狀未

經放完查明會同巡視衙門酌議某項宜

給某項宜停其實收未出者監督各官速

爲出給聽各該監察科道嚴覈應准者准

應裁者裁通前未了悉爲歸結仍行揭示

以杜弊端嗣後請發預支務查工程約該若干先請三分之一必一分全完始再酌給永免追比之擾一日定年例之制巡視謂年例之請發者向以條例爲矧顧今內監越例而求外廷引經而諍况

祖制與

新綸不同新例與舊章互異宜定畫一請自

聖裁以免紛紛爭執臣等查得條例諸書其傳刻已數十年矣今昔不同因革頗異而治

每額外以濫求部司且去浮以就約官府  
相持有回聚訟應如巡視所議逐款清查  
校訂或因舊或從新定爲規則併先後諸  
臣條議有關係者彙刻須知一冊使當事  
之人一覽無遺無論職掌內洞如觀火卽  
遷轉更代各差之事且無不明習也一曰  
扼錢糧之要巡視謂徃時月終實收年終  
會查法最簡便乃今中止今議一領狀新  
式狀後接粘一紙備開原額及先領今領

之數查完過八分併循環總撒相符方准  
再領未完二分逐限帶銷至于會查如

大工十庫等衙門凡與厰庫錢糧相關四司併  
宜移會查明

奏繳另立冊庫專官以慎關防臣等先經如  
巡視所議其領狀新式行令各役遵行外  
所議循環二簿卽截出實收簿也應令四  
司及監督各置二簿卽鈐備開原估與先  
領已完之數爲舊管其今領錢糧必完及

八分以細數填入循環以總數填入新

同送巡視查覈明確准作實收方許再給

未完二分仍于下次帶銷俟工完差竣即

將此簿通前覆筭如無他弊准作對同循

存廠庫環發本差各備查照不但錢糧難

冒且使工作易完真一舉兩得之策也若

歲終會查一節應令四司各差將各項錢

糧或收納或給發或派辦等數目備造青

冊俱于十二月初三日齊送各該巡視監

察衙門互相查明無弊各書查訖二字印  
鈐發回存司以爲日後比對實收張本庶  
奏繳不爲虛設其收貯底冊向來文卷皆付  
吏書日久不難去籍近該臣等四司各另  
設一冊科置數厨櫃一吏一書專管抄騰  
言行文移印鈐底簿各另擇一空房改爲  
冊庫收貯備查掌印官親爲啓閉眼同封  
識稽察已嚴專官可無設也一日重考成  
之責巡視謂官無專責法不必行凡四司

監督任內請給錢糧盡數完銷始准  
交代歲終考覈內有事變突臨勢難終

者宜將已未完數目備造對同五本送

管部司巡視工垣各一本自留一本查無

別獎聽其離任臣等以爲司官之于各獎

旣以矢心振刷而部堂之于各屬又已刻

意稽查則殿最勸懲本部自應不爽而睹

聞記載科院自有公評卽年終考核法不

詳于此矣惟是各官旣以監督爲職則當

以竣事爲忠蓋一差有一差之首尾一事  
有一事之本末徃時經手錢糧每遇差回  
陞轉輒含糊而去及至弊端摘發後悔無  
及今後凡係本官任內請給錢糧必期一  
一完銷如有未完卽令本官將欠役與經  
承吏書自行追比追完之日待部司覆覈  
相同然後移會巡視查明聽其交代而帶  
比吏書者以各役總預工程遲速更書自  
知之真其嚴于承行正所以杜其弊久也

內有事變突臨勢難終局或數本清

管願交者仍以已未完數目備造對同五

本開送查明離任則各官雖去任之後亦

得安枕別無粘帶之虞矣巡視又謂餘銀

不可不革以銀錢九一兼支隨時定數既

通錢法復剩餘錢可充公費臣等以爲庫

銀支放出入宜平惟是向積餘銀蓋爲貼

解及公費而設所取無幾乃領銀各役恒

以短少爲詞今如所議凡庫中支放以九

分給銀卽與原封以一分給錢隨時定數  
大約錢以市價爲則於內扣下三文卽作  
羨餘以抵公費明扣明除上下兩便其買  
銅鼓鑄各宜於見充舖戶掄選殷實互相  
保結聽其自願給批派辦每年嚴限責成  
以圖永利再不許外役鑽求墮其騙局巡  
視又謂事例之弊多端不可不覈欲援納  
者傾錠鑿名每季工部吏部該庫三處會  
查上納人數併議戶七工三開納日期及

測勢裁訂畫一臣等以爲輸鏹博官欲  
利厚應如所議責其傾錠以免零星鑿名  
以防低假每季三處會查仍送廠庫比對  
號簿以杜奸僞至于戶開八月工開四月  
此間彼停尤爲妥便其事例條款向以陸  
續增開弊竇甚多而兩部亦互有參差今  
繕司已逐一裁訂應削應改宜會同合一  
以便遵行巡視又謂外解之弊多端不可  
不飭納折色者杜其傾換掛欠等弊納本

色者杜其濫惡抵充等弊臣等以爲各省  
外解原係惟正之供豈容低假惟是領解  
員役巧于規利致生弊端應如所議凡解  
折色者驗鞫若或改傾短少照例查參解  
本色者不得以假易真改折爲本及濫惡  
搪塞違者本部與巡視據實叅題其十庫  
收貯物料令該庫每季分別管收除在造  
冊報部庶不匿有爲無多生影射若果缺  
乏應召買者該司仍移會十庫科道查其

庫中緩急酌議定奪不得輕聽庫監揭潛  
致滋冒費至于軍器等項撫按衙門行令  
備刻官匠姓名以便查驗領解卽用經承  
委官政以專責成而杜規避巡視又以僉  
報商役爲 都民大害向曾具疏立有幫  
貼調停首議裁革今行之七年民生樂業  
臣等以爲

革穀之下永絕僉報實爲無窮之福嗣後有  
妄議報商搖動根本者聽巡視科道與本

部題叅但新役投充各司官須審其身家  
殷實仍令見在富商保結方准承辦不得  
輕聽請託使積棍營充希圖領銀拖欠致  
煩比較且今四司原不乏人卽繕司見缺  
大工舖戶已經會議通融於部內見商吳應麒  
任一清等供役臨期無悞是又不必多收  
以啓倖竇也以上各款或清旣徃或杜將  
來或嚴稽覈或祛耗蠹或裕

國計或安民生總之有裨將作所當一一

之施行者呈乞獲議具題等因案呈到  
該臣等看得法之弊也貴乎釐剔事之  
也要在責成粵稽官制工部掌工役農  
山澤河渠之政令而厰庫一差司存出  
尤其重者立法之初何嘗不綱提目揭  
然有餘乃自二十年來

門殿經始

頃嗣興年例加增要津傳乞在事者或謂勞  
難猝辦人無備責稍寬出入罔核初終取

快一時因階爲厲爰迨建造中停官更吏  
換人多飾詐事每藏奸于是繩紐弛於上  
衙勒踈於下假冒乘其情偷逋負生于運  
久工非稱屢用總銷花究若水之橫潰旁  
溢叵可隄防而水衙之歲積遂蕭索而無  
餘矣豈非釐剔無方責成未至故耶今  
視科道躬履目擊首摘預支之害併及  
例實收考覈與餘銀事例外等項查實  
以對證投劑切中膏肓其釐剔之法

救根萬終不滿誠於將作大有裨所當  
修俾勿替者也既經諸司看議會呈前來  
相應題

請伏乞

勅下臣部督令所屬逐款着實舉行應咨會者  
咨會應示諭者示諭庶法紀修明人心學  
務積弊清而

國計無損新圖懋而

天王允釐矣臣等可勝懇切待

藏庫須知

卷二

六二

命之至